

Asasagut meeqqat, inuusuttut, angajoqqaat, peqatigiiffiit, kommunit, Timersoqatigiit Kattuffiat politikkerillu.

Timersoqatigiit Kattuffiata meeqqat siunnersuisoqatigiit PEQATAASA pilersippaat, uagut inuusuttuusugut timersorneq qanoq ineriartortinneqassanersoq pillugu oqariartuuteqarniassagatta. Timersorneq nuannernerulersikkusupparput aammalu tamanut peqataanerulersitserusuppugut.

Ataatsimeersuarnitsinni sammisat pingaarutillit oqaluuserivagut soorlu online grooming, killiliisarneq aammalu inuusuttut amerlanerusut qanoq ilillutik timiminnik aalatitsinerulersinnaanersut. Online-ikkut qanoq immitsinnut illersorsinnaanerluta ilinniarpaput aammalu attaveqaaqatigerusunngisatsinnut qanoq killiliisinnaanerluta.

Aamma timersorneq qanoq ililluta nuannernerulersissinnaanerlugu peqataatitserpalaartunngorlugu isumassarsiorpugut, taamaalilluta amerlanerusut peqataarusulersissinnaanngorlugit.

Taamaattumik uku ilissinnut innersuussutigaaqut:

Asasagut meeqqat inuusuttullu

- **Ikinngutitit ilaserikkitt!** Amerlagutta nuannernerussaaq – taamaamat ikinngutitit sungiusariaqatigikkitt imal. klubbimut ilaasortanngorteqqukkitt. Timersorneq ataatsimoornerlu peqatigiilluni marloriaammik nuannernerulersarpoq!
- **Nutaanut tikilluaqqusigitt!** Nutaatut takkunneq tamatta misilinnikuuput – tikilluaqqusaasutut misigittisigitt aallaqqaataaniillu tamanut nuannersunngortitseqataagitt.
- **Tikilluaqqusineq aallartigut.** Nutaanut takutigut sooq peqatigiiffik tamatsinnut nuannisarfiusinnaasoq qanorlu pikkorinnerulersinnaanersugut.
- **Kikkut allaqatiginerlugit eqqarsaatigisaruk.** Onlinemiikkaangavit mianersortarit – nalunngisatit tatigisatillu kisiisa ilinnut tunngasunik avitseqatigisakkit.
- **Killissatit ilisimakkit – naaggaarsinnaanerpillu pissusissamisoornera eqqaamajuk!** Arlaat sunaluunniit toqqissisimananngippat naaggaarit. Pinngitsaaliniarneqaraluaruilluunniit killissatit pingaaruteqarput.
- **Nalusatit piikkitt.** Nalusavit allaffigippatit imaluunniit nuanniisunik nassiussivigineqaruit ingerlaannaq piikkitt nalunngisatillu kisiisa attavigikkitt.

Asasagut kommunit

- **Illoqarfimmi sammisassarsiorsinnaanissaq ajornannginnerulersilli!** Sumi peqataasinnaaneq oqaluttuarlugit, periarfissat tamakkerlugit suuneri –peqataaniarluni nalunaarnissamut paasissutissat, piffissat attavissallu ilanngullugit.
- **Timersortarfiit nutarterlik.** Sungiusarfissanik sumiiffissanillu ajunngitsunik tunisigut!
- **Sungiusaasugut akuersaarsigitt.** Nammineq kajumissutsiminnik sulisut timersuuterpassuarnut periarfissiisut akuersaarsigitt social mediakullu nittarsaallugit!

Asasagut politikkerit

- **Meeqqat inuusuttullu sipaarfigineqassanngillat.** Aningaasat akornutaatinnagit timersorsinnaanermut ataatsimoorinnaanermullu tapersersorneqarnissaq pisariaqartippaput.
- **Peqataanissaq tamanut periarfissiisutigiisuk.** Aningaasat apeqqutaatinnagit – avataaniittutut misigisoqaaqqunagu, timersorneq tamanut periarfissaassaaq.
- **Timersornermi toqqissinermik pilersitsigitt.** Sungiusaasut meeqqanik pinerliisimannginnermut uppersaateqarnissaat toqqissisimanissatsinnut pingaaruteqarpoq.

Asasagut angajoqqaat

- **Silarsuatsinni peqataagitt!** Sungiusarnerput qanoq ingerlanersoq aperisigut – tapersersortigullu – isumalerujussuuvoq!
- **Unammisoqarnerani sungiusarnenilu ikiuuttaritsi.** Tapersersorneqarnissaq pisariaqartikkaangatsigu ilissi aamma maaniinnissarsi pingaartippaput!
- **Holdi salliussiuk.** Tamatta pilluta maaniigitt, eqqaamasarsiuq tamatta peqataasinnaagaangatta nuannisarnerusarnerput – angusat kisimik apeqqutaatinnagit.

Asasagut peqatigiiffiit

- **Tamanut inissaqartitsisunik toqqissisimanartunillu sungiusaasoqaritsi.** Tamatta ilikkagaqarsinnaaniassagatta, ineriartorluta ataatsimullu nuannisaqatigiilluta. Aallarlerlaat tikilluaqqusaasutut misigittarsigitt.
- **Pikkorinneruleqqulluta sungiusaasut sakkusaqartissigitt.** Piginnaanilinnik sungiusaasoqarneq isumaqarpoq sungiusarnerit nuannernerusut annertunerusumillu pissarsiaqarfiusartut.
- **Sulerisarnerput social mediakut takutissiuk.** Qanoq ataatsimoorluta maani nuannisararnerput – sunalu pillugu peqataasoqarnerunissaa avataaniittunut takutissiuk!
- **Nuannersumik ataatsimoornermillu nukittunerulersitsisumik sungiusaagitt.** Ilikkagaqarniarluta nuannisaqatigiinniarlatalu maaniippugut – taamaamat sungiusarnerup nukissanik ataatsimoornermillu annertuumik tunisinissaa isumagisiuk.
- **Nammineq kajumissutsiminnik sungiusaasut amerlisissigitt.** Naammattunik sungiusaasoqalerutta tamatta pissarsiaqarnerussaagut.
- **Killissat ammasumik oqaluuserisigitt.** Kikkulluunniit toqqissisimaqqullugit, ilaasortanit, angajoqqaanit sungiusaasuniillu suut akuerineqarnerat ilisimaneqaleqqullugu, peqatigiiffimmi killissat oqaluuserinissaat pingaaruteqarpoq.
- **Sungiusaasut ilaasortallu – Facebook pinnagu peqatigiiffik ukkappaput.** Sungiusaasut ilaasortallu FB-ikkut kammagiittariaqanngillat. Toqqissisimanartuunissaa pitsaassusillimillu ingerlanissaa anguniarlugu.

Asasarput Kalaallit Nunaanni Timersoqatigiit Kattuffiat

- **Meeqqanik sungiusaasut ilisimasaat annertusarsigitt isumassarsisillugillu.** Sungiusaasut piginnaaneqarluaraangata ilikkagaqarnerusarpugut.
- **Susoqarnera malinnaaffigisiuk.** Peqatigiiffiit- sumilu tamaani susoqarnera alapernaasersigitt – taamaaliornikkut timersorneq tamatsinnut pitsaanerulersinnaavoq!

